

UNIVERZITET U SARAJEVO  
ELEKTROTEHNIČKI FAKULTET U SARAJEVO

Broj: 01-01-4080/10

Dana, 01.12.2010.

Na osnovu člana 192. Pravila Elektrotehničkog fakulteta u Sarajevu – prečišćeni tekst (broj: 01-01-2966/09 od 09.10.2009. godine) a nakon razmatranja primjedbi člana Upravnog odbora Elektrotehničkog fakulteta u Sarajevu mr Nedžada Rešidbegovića na Odluku Upravnog odbora Elektrotehničkog fakulteta u Sarajevu broj: 01-01-2904/10 od 22.09.2010. godine (datih na XXXV sjednici Upravnog Odbora Elektrotehničkog fakulteta u Sarajevu), Upravni odbor Elektrotehničkog fakulteta u Sarajevu na svojoj XXXV sjednici održanoj 01.12.2010. godine, donio je

ODLUKU

I

Poništava se Odluka o načinu finansiranja troškova doktorskog studija saradnika broj: 01-01- 2904/10 od 22.09.2010. godine, koju je donio Upravni odbor Elektrotehničkog fakulteta u Sarajevu na svojoj XXXIV sjednici održanoj 07.09.2010. godine.

II

Zadužuje se Rukovodstvo Elektrotehničkog fakulteta u Sarajevu da predloži Upravnom odboru Fakulteta druge načine pomoći saradnicima za prevazilaženje teškoća oko finansiranja doktorskog studija.

Obrazloženje

Član Upravnog odbora Elektrotehničkog fakulteta u Sarajevu mr Nedžad Rešidbegović dao je primjedbe na Odluku Upravnog odbora Elektrotehničkog fakulteta u Sarajevu broj: 01-01-2904/10 od 22.09.2010. godine, navodeći da su pojedina rješenja iz navedene Odluke nezakonita. Naveo je da:

1. Boniteti koji su predviđeni za saradnike iz člana 2. Odluke fundiran je na nepostojećem Fondu. Ovaj Fond tek treba formirati ali je to nemoguće realizirati bez kršenja Zakona o finansijskom poslovanju.
2. Odgođeno plaćanje prema članu 4. Odluke se odobrava saradnicima Fakulteta mada su oni "prema Zakonu o visokom obrazovanju, radnici na određeno vrijeme. To je zakonski neprihvatljivo. Ponovno naglašavam da je ovo jedan vid beskamatnog kredita koje Fakultet daje svojim saradnicima a da na to zakonski nema pravo.
3. Odobravanje odgođene dinamike plaćanja prema članu 3. čini Dekan što bi trebalo da stoji u Pravilima Elektrotehničkog fakulteta u što nisam siguran.
4. Način realizacije odgođenog plaćanja je potpuno nezakonit. Model predložen u članu 4. je neodrživ jer favorizira izbjegavanje plaćanja svih vrsta poreza na predložene rate vraćanja. Ovo je krivično djelo utaje poreza što je nedopustivo.

Samo jedan razlog od gore nabrojanih je dovoljan da se spomenuta Odluka broj: 01-01- 2904/10 stavi van snage i da se pokušaju predložiti druge mogućnosti pomoći saradnicima Fakulteta.

Nalaže se RUKOVODSTVU FAKULTETA da koordinira radnje vezane za realizaciju INTEGRIRANOG UNIVERZITETA, datum otpočinjanja DOKTORSKOG STUDIJA, proces ekvivalencije dosadašnjih inženjera u magistre i načine pomoći saradnicima Fakulteta da prevaziđu finansijske teškoće koje nosi DOKTORSKI STUDIJ."

Upravni odbor Elektrotehničkog fakulteta u Sarajevu na svojoj XXXV sjednici usvojio je date primjedbe člana mr Nedžada Rešidbegovića i zaključio da predmetnu odluku poništi, te je donio Odluku kao u dispozitivu.

PREDSJEDNIK UPRAVNOG ODBORA  
Akademik red.prof.dr Branislava Peruničić

CO:- Dekanu

- Prodekanu za OFP

- Web stranica Fakulteta i a/a

